

SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina III - Broj 19

Subota, 30. juli/srpanj 1994.
SARAJEVO

Za svaki broj posebno se
utvrđuje cijena
Žiro-račun 10100-603-1396

330

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O IZMJENI UREDBE SA ZAKONSKOM SNAGOM O PRIMJENI UREDBE SA ZAKONSKOM SNAGOM O RAČUNOVODSTVU ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI

Član 1.

U Uredbi sa zakonskom snagom o primjeni Uredbe sa zakonskom snagom o računovodstvu za vrijeme ratnog stanja ili u slučaju neposredne ratne opasnosti ("Službeni list RBiH", br. 12/92 i 19/93), u članu 5a, broj: "1993" zamjenjuje se brojem "1994".

Član 2.

Ova uredba stupa na snagu danom objavljivanja u "Službenom listu RBiH".

PR broj 1685/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

331

Na osnovu Amandmana LI tačka 5. stav 3. na Ustav Republike Bosne i Hercegovine, u vezi sa članom 3. Zakona o Narodnoj banci Bosne i Hercegovine ("Službeni list RBiH", br. 1/93 i 13/94) i članom 16. Zakona o deviznom poslovanju ("Službeni list RBiH", br. 10/94 i 13/94), Predsjedništvo Republike Bosne i Hercegovine na prijedlog Narodne banke Bosne i Hercegovine, donosi

ODLUKU

O CILJEVIMA I ZADACIMA DEVIZNE POLITIKE I PROJEKCIJI PLATNOG BILANSA U 1994. GODINI

I

Ovom odlukom utvrđuju se ciljevi i zadaci devizne politike, a naročito politika izvoza i uvoza robe i usluga i obavljanja drugih ekonomskih odnosa sa inostranstvom, te politika deviznog kursa i rezervi, kao i projekcija platnog bilansa.

II

Radi stvaranja uslova za oživljavanje proizvodnje i drugih privrednih aktivnosti i na toj osnovi otpočinjanja i ostvarivanja politike ekonomskih odnosa sa inostranstvom i obnove zemlje, preduzimaće se neophodne mjere i aktivnosti na: mogućem povećavanju izvoza roba i usluga i ostvarivanju deviznog priliva po ovom osnovu, značajnijem povećanju uvoza roba i usluga i veoma racionalnom usmjeravanju deviza za uvoz i sređivanju i unapređivanju kreditnih odnosa sa inostranstvom. Ostvarivanju ciljeva i zadataka iz stava 1. ove tačke doprinosiće i aktivna politika deviznog kursa i obrazovanje rezervi devizne likvidnosti, a posebno deviznih rezervi Republike Bosne i Hercegovine (u daljem tekstu: Republika).

III

U okviru izvoza roba i usluga, a u uslovima veoma niskog obima proizvodnje i oskudne ponude na domaćem tržištu, prevashodni je zadatak očuvanje i dalje proširivanje osvojenog tržišta, posebno po osnovu obavljanja građevinskih radova u inostranstvu i poslovanja domaćih firmi u inostranstvu te preduzimanje svih mjera i aktivnosti na naplati dospjelih potraživanja po ranije realizovanom i tekućem izvozu roba i usluga.

IV

Politika uvoza roba i usluga biće usmjerena na ostvarivanje programa preživljavanja stanovništva i podsticanja oživljavanja privrede, prvenstveno uvozom hrane i reprodukcioni materijala, energenata i rezervnih dijelova za potrebe proljetnje i jesenje sjetve, prehrambene i farmaceutske industrije te industrije kože, obuće, tekstila i građevinskog materijala, proizvodnje uglja i funkcionisanja saobraćaja.

Vlada Republike Bosne i Hercegovine (u daljem tekstu: Vlada) i drugi državni organi će preduzimati neophodne mjere i aktivnosti na stvaranju uslova za obavljanje uvoza roba i usluga na komercijalnoj osnovi i uz mogućnost korištenja humanitarnih koridora i transporta, dok se ne deblokiraju saobraćajnice i stvore drugi uslovi za nesmetano odvijanje robne razmjene sa inostranstvom.

Prioritet u plaćanjima prema inostranstvu imaće namjene predviđene u stavu 1. ove tačke.

Ovlašćuje se Vlada da može utvrditi obim uvoza i plaćanja određenih roba po režimima uvoza (LB - slobodan uvoz, D - dozvola i K - kontingent).

V

Na području kreditnih odnosa sa inostranstvom preduzeće se mjere i aktivnosti na sređivanju i utvrđivanju stanja datih i uzetih kredita i garancija, dospjelih a neplaćenih obaveza po

kreditima uzetim u inostranstvu i datim garancijama, stvaranju uslova i vođenju aktivne politike da se dospjela potraživanja efikasnije naplaćuju, a da sve obaveze prema inostranstvu miruju dok traje ratno stanje, kao i na otpočinjanju aktivnosti za dodatnu kreditnu podršku iz inostranstva za oživljavanje privrede, njenu obnovu i dalji razvoj.

Radi ostvarivanja zadatka iz stava 1. ove tačke neophodno je obezbijediti devizna sredstva i ispuniti druge uslove za prijem u Međunarodni monetarni fond i u članjivanje u druge međunarodne finansijske organizacije.

VI

Uz neposrednu aktivnost Narodne banke Bosne i Hercegovine (u daljem tekstu: Narodna banka), preduzeća i banke koje obavljaju devizno poslovanje će razraditi i donijeti vlastite programe mjera i aktivnosti na ostvarivanju deviznog priliva po osnovu dospjelih a nenaplaćenih potraživanja, organizovanog prihvatanja i isplaćivanja doznaka iz inostranstva građanima, i odlaganju obaveza prema inostranstvu.

Devizni priliv će se usmjeravati prvenstveno za plaćanja uvoza roba i usluga za namjene utvrđene tačkom IV ove odluke.

VII

Devizni kurs će utvrđivati Narodna banka s tim da devizni kurs bude realan, da se ažurno uskladjuje u zavisnosti od kretanja ponude i tražnje deviza na tržištu i uz neophodno intervalutarno uskladjivanje te da bude u funkciji ostvarivanja ciljeva i zadataka utvrđenih ovom odlukom i projekcijom platnog bilansa.

Kurs za obračunski dolar formiraće se prema vrijednosti USA dolara.

VIII

Na prijedlog Ministarstva finansija i Narodne banke, Vlada Republike će utvrditi posebne mjere i aktivnosti na postepenom formiranju deviznih rezervi Republike i drugih rezervi likvidnosti u plaćanjima prema inostranstvu.

IX

Polazeći od ciljeva i zadataka predviđenih tačkama I do VIII ove odluke, utvrđuje se:

Projekcija
platnog bilansa Republike za 1994. godinu

Stavke	- u milionima USA dolara
I SALDO TEKUĆIH TRANSAKCIJA	- 43,2
1. Saldo robne razmjene	- 210,0
1.1. Izvoz robe	40,0
1.2. Uvoz robe	250,0
2. Saldo usluga	4,8
2.1. Priliv	36,5
2.2. Odliv	31,7
3. Saldo robe i usluga	- 205,2
3.1. Izvoz robe i usluga	76,5
3.2. Uvoz robe i usluga	281,7
4. Saldo doznaka	2,0
4.1. Priliv	45,0
4.2. Odliv	43,0
5. Ostali priliv	160,0
5.1. Donacije	100,0
5.2. Porezi i takse	60,0
6. Ukupni priliv	281,5
7. Ukupni odliv	324,7
8. Saldo priliva i odliva-tekući deficit	43,2
II SALDO KRED.-FINAN. TRANSAKCIJA	115,0
III FORMIRANJE DEVIZNIH REZERV	71,8

X

Ovlašćuje se Vlada da može donijeti bliže propise i utvrditi druge mjere na provođenju ciljeva i zadataka utvrđenih ovom odlukom i projekcijom platnog bilansa Republike.

XI

Ova odluka stupa na snagu danom objavljivanja u "Službenom listu RBiH".

PR broj 1686/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

332

Na osnovu Amandmana LI tačke 5. stav 3. na Ustav Republike Bosne i Hercegovine i člana 3. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), Predsjedništvo Republike Bosne i Hercegovine, na prijedlog Narodne banke Bosne i Hercegovine, donosi

ODLUKU

O CILJEVIMA I ZADACIMA
MONETARNO-KREDITNE POLITIKE
U 1994. GODINI

I

Ovom odlukom utvrđuju se ciljevi i zadaci monetarno-kreditne politike u 1994. godini koji će se ostvarivati na teritoriji Republike Bosne i Hercegovine (u daljem tekstu: Republika).

II

Monetarno-kreditna politika u 1994. godini biće u funkciji obezbjeđenja hrane, energenata i drugih repromaterijala sa prvenstvenim zadatkom preživljavanja stanovništva, finansiranja Republike i oživljavanja privrede.

Neophodno je da se monetarno-kreditna politika provodi centralizovano i na jedinstven način na svim slobodnim područjima Republike.

III

U skladu sa tačkom II ove odluke, Narodna banka Bosne i Hercegovine (u daljem tekstu: Narodna banka) će projekcijom i mjerama monetarno-kreditne politike obezbijediti da stopa rasta novčane mase u 1994. godini bude niža od stope rasta cijena na malo i na taj način djeluje na usporavanje njihovog porasta. Istovremeno, stopa rasta novčane mase mora biti u funkciji oživljavanja privrede, afirmacije i zaštite novca.

IV

Radi ostvarivanja rasta novčane mase iz tačke III ove odluke, Narodna banka će projekcijom monetarno-kreditne politike u 1994. godini utvrditi potreban obim primarnog novca u skladu sa zakonskim ovlaštenjima, te donošenjem i primjenom mjera monetarno-kreditnog regulisanja obezbijediti ostvarenje predviđenog rasta novčane mase i primarnog novca.

V

Narodna banka će primarni novac kreirati kupovinom i prodajom kratkoročnih prenosivih vrijednosnih papira, davanjem kratkoročnih kredita bankama na osnovu domaćih i inostranih vrijednosnih papira i davanjem kratkoročnih kredita bankama i refinansiranjem kredita koje su banke dale na osnovu određenih isprava. To se odnosi prvenstveno za kreditiranje proizvodnje, sezonskih zaliha i rezervi poljoprivrednih i prehrambenih proizvoda; tova stoke; proizvodnje i zaliha lijekova; proizvodnje i zaliha uglja i drugih energenata; te uvoza, ukoliko se uvoze najneophodnije sirovine, energenti i drugi reprodukcioni materijali i poljoprivredni, prehrambeni i drugi proizvodi neophodni za preživljavanje stanovništva i potrebe Republike. Isto tako, primarni novac će se kreirati refinansiranjem kredita koje su banke dale za kreditiranje izvoza robe i usluga, a posebno proizvodnje i pripreme i izvođenja investicionih radova u inostranstvu, zatim kreditiranjem Republike i drugih ne-

opisanih namjena u skladu sa ekonomskom i socijalnom politikom Vlade.

Sve navedene namjene poslovne banke treba da smatraju prioritetnim i vlastita raspoloživa sredstva usmjere za iste, a tek po iscrpljivanju ovih sredstava intervenisaće Narodna banka pod posebnim uslovima.

VI

Narodna banka će iz primarne emisije davati kratkoročne kredite bankama za namjene iz tačke V ove odluke, za održavanje tekuće likvidnosti banaka, vršiti avansiranje banaka za kupovinu stranih sredstava plaćanja, koje obavljaju mjenjačke poslove u svoje ime i za račun Narodne banke i kupovati strana sredstva plaćanja za popunu deviznih rezervi kojim u skladu sa Zakonom o deviznom poslovanju ("Službeni list RBiH", br. 10/94 i 13/94), rukuje Narodna banka.

VII

Narodna banka će davati kratkoročne kredite Republici radi premoštavanja vremenske neusklađenosti između priticanja prihoda i izvršavanja rashoda republičkog budžeta, kao i po osnovu definitivne prodaje deponovane devizne štednje građana i efektivno prodatih deviza od strane građana.

VIII

U cilju regulisanja količine novca u opticaju Narodna banka će donijeti potrebne odluke o blagajničkim zapisima Narodne banke, obaveznoj rezervi banaka kod Narodne banke i minimalnoj likvidnosti banaka.

IX

Kreditiranje banaka i Republike iz tač. VI i VII ove odluke obavljace se u skladu i prema strukturi plasmana koje Narodna banka utvrdi projekcijom monetarno-kreditne politike u 1994. godini.

X

Narodna banka će opštu eskontnu stopu utvrđivati ovisno od obima kretanja primarnog novca i ukupnih monetarnih i kreditnih kretanja u datim uslovima funkcionisanja monetarnog i bankarskog sistema.

Opšta eskontna stopa će biti utvrđena na takvom nivou koji će omogućiti usporavanje stope inflacije.

Za namjene koje se budu kreditirale za preživljavanje stanovništva i potrebe Republike, kamatne stope će biti niže od opšte eskontne stope Narodne banke.

XI

Kamatne stope banaka i drugih finansijskih organizacija će se formirati u skladu sa datim uslovima ponude i tražnje novca i vrijednosnih papira na tržištu.

Banke i druge finansijske organizacije utvrdit će niže kamatne stope za kredite namijenjene za preživljavanje stanovništva i potrebe Republike i druge neophodne namjene u skladu sa ekonomskom i socijalnom politikom Vlade.

XII

Narodna banka će, u skladu sa zakonskim ovlaštenjima, donijeti projekciju i mjere monetarno-kreditne politike koje će se preduzimati u 1994. godini za provođenje ove odluke.

Do donošenja mjera monetarno-kreditne politike iz stava 1. ove tačke, Narodna banka će primjenjivati važeće mjere i instrumente monetarnog i kreditnog regulisanja donesene u 1993. godini.

XIII

Ova odluka stupa na snagu danom objavljivanja u "Službenom listu RBiH".

Broj 1687/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

333

Na osnovu Amandmana LI tačka 5. stav 3. na Ustav Republike Bosne i Hercegovine i čl. 82. i 90. Zakona o

redovnim sudovima ("Službeni list SRBiH", br. 19/86, 25/88 i 33/89) i ("Službeni list RBiH", br. 6/92, 11/92 i 19/93), Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O RAZRJEŠENJU I IZBORU SUDIJA REDOVNIH SUDOVA

I

Razrješavaju se dužnosti sudija Višeg suda u Sarajevu: TOMISLAV MARKULJ, ZORICA GOGOLA, JADRANKA DAKOVIĆ, IVANA MISITA, IGNJAC DODIK i EMA ALIĆ, zbog neobavljanja sudijske dužnosti u dužem vremenskom periodu.

II

Razrješava se dužnosti sudija Osnovnog suda u Gračanici FARUK SMAILOVIĆ, na lični zahtjev.

III

Razrješavaju se dužnosti sudija Osnovnog suda I u Sarajevu: MEDIJA DANGUBIĆ, CVJETKO OSTOJIĆ, MURIŠA MAKAREVIĆ, RANKO VUKOMANOVIĆ, BRATISLAV ČUKIĆ, BRANKO ŠINIKOVIĆ, ALICA ŠKALJIĆ, ESMA JUSIĆ, ZDENKA POGARČIĆ, BOGDANKA SELIMOVIĆ i ZINETA ALAJMOVIĆ, zbog neobavljanja sudijske dužnosti u dužem vremenskom periodu, i SEVIMA SALI, na lični zahtjev.

IV

Razrješavaju se dužnosti sudija Osnovnog suda II u Sarajevu: DIKA OMEROVIĆ, VESNA LJUBUNČIĆ, GIL-DŽANA ARSLANAGIĆ, MAJA VUKČEVIĆ, MILICA MIŠIMOVIĆ, MARINA PAVIČEVIĆ, ARIJANA DŽONLAGIĆ, IVANA RUŽIĆ, AMELA ZELJKOVIĆ, DRAGAN ŠILJKUT, ALEKSANDRA MARTINOVIĆ, MIODRAG BLITVIĆ i VLADIMIR JANKOVIĆ, zbog neobavljanja sudijske dužnosti u dužem vremenskom periodu, i SADETA ŠKALJIĆ, radi odlaska na drugu dužnost.

V

Razrješava se dužnosti sudije Osnovnog suda u Sokocu SENKA PRUGAČEVIĆ-HADŽIOMEROVIĆ, zbog neobavljanja sudijske dužnosti u dužem vremenskom periodu.

VI

Razrješavaju se dužnosti sudija Osnovnog suda u Travniku ZRINKO SMOLJAN i ZORAN SARIĆ, zbog neobavljanja sudijske dužnosti u dužem vremenskom periodu.

VII

Razrješavaju se dužnosti sudija Osnovnog suda u Zenici: ARMINA GIČEVIĆ, RAZIJA HUSEINAGIĆ i NOVARA MARIC, na lični zahtjev.

VIII

Za sudije Osnovnog suda u Lukavcu izabrani su FATIMA ALIHODŽIĆ i ŠEVALA ILIJAZAGIĆ.

IX

Za sudije Osnovnog suda I u Sarajevu izabrani su ADISA ZAHIRAGIĆ i MIRSAD SEHOVIĆ.

X

Za sudije Osnovnog suda II u Sarajevu izabrani su FATIMA MRDOVIĆ-PILAV i DALIDA BURZIC.

XI

Za sudije Osnovnog suda u Zavidovičima izabrani su: NEDŽAD MULABEGOVIĆ, ENES MALČIBEGOVIĆ i ZINETA POLIĆ.

XII

Za sudiju Osnovnog suda u Živinicama izabran je MEVLUDIN GLAVINIĆ.

XIII

Odluku objaviti u "Službenom listu RBiH".

Broj 02-111-532/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

334

Na osnovu Amandmana LI tačka 5. stav 3. na Ustav Republike Bosne i Hercegovine i člana 27. Zakona o javnom tužilaštvu ("Službeni list SRBiH", br. 19/86, 25/88 i 33/89) i ("Službeni list RBiH", br. 6/92, 9/92, 21/92 i 19/93), Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O RAZRJEŠENJU I IMENOVANJU JAVNIH TUŽILACA I ZAMJENIKA JAVNIH TUŽILACA

I

Razrješava se dužnosti zamjenika višeg javnog tužioca u Višem javnom tužilaštvu u Sarajevu DUŠANKA RAČIĆ, zbog neobavljanja dužnosti u dužem vremenskom periodu.

II

Razrješava se dužnosti zamjenika višeg javnog tužioca u Višem javnom tužilaštvu u Zenici NEDŽADA BABIĆ, na lični zahtjev.

III

Razrješava se dužnosti osnovnog javnog tužioca u Osnovnom javnom tužilaštvu u Visokom MIRKO LEČIĆ, zbog neobavljanja dužnosti u dužem vremenskom periodu.

IV

Za zamjenika osnovnog javnog tužioca u Osnovnom javnom tužilaštvu II u Sarajevu - Odjeljenje u Hrasnici, imenovan je HUSEIN DELALIĆ.

V

Za zamjenika osnovnog javnog tužioca u Osnovnom javnom tužilaštvu I u Sarajevu imenovan je SENAD KREHO.

VI

Za osnovnog javnog tužioca u Osnovnom javnom tužilaštvu u Visokom imenovan je MUHAMED HANDŽIĆ.

VII

Odluku objaviti u "Službenom listu RBiH".

Broj 02-111-533/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

335

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O IZBORU SUDIJE USTAVNOG SUDA BOSNE I HERCEGOVINE

I

Za sudiju Ustavnog suda Bosne i Hercegovine izabran je ŽELIMIR JUKA.

II

Odluku objaviti u "Službenom listu RBiH".

Broj 02-111-536/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

336

Na osnovu Amandmana LI tačka 5. stav 3. na Ustav Republike Bosne i Hercegovine i člana 20. Zakona o okružnim vojnim sudovima ("Službeni list RBiH", br. 12/92, 21/92, 23/92, 17/93, 22/93 i 13/94), na prijedlog ministra pravde, Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O IZBORU SUDIJA OKRUŽNOG VOJNOG SUDA U SARAJEVU

I

Za sudije Okružnog vojnog suda u Sarajevu izabrani su SADETA ŠKALJIĆ i SALEM MISO.

II

Ministarstvo pravde regulisaće statusna i druga pitanja izabranih sudija.

III

Odluku objaviti u "Službenom listu RBiH".

Broj 02-111-531/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

337

Na osnovu Amandmana LI tačka 5. stav 3. na Ustav Republike Bosne i Hercegovine i člana 11. Zakona o okružnom vojnom tužilaštvu ("Službeni list RBiH", br. 12/92, 21/92, 23/92, 22/93 i 13/94), na prijedlog ministra pravde, Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O IMENOVANJU ZAMJENIKA OKRUŽNOG VOJNOG TUŽIOCA U OKRUŽNOM VOJNOM TUŽILAŠTVU U SARAJEVU

I

Za zamjenika Okružnog vojnog tužioca u Okružnom vojnom tužilaštvu u Sarajevu, imenovan je NEDŽAD ČOROVIC.

II

Ministarstvo pravde regulisaće statusna i druga pitanja zamjenika okružnog vojnog tužioca.

III

Odluku objaviti u "Službenom listu RBiH".

Broj 02-111-535/94
30. juli 1994. godine
Sarajevo

Predsjednik
Predsjedništva RBiH,
Alija Izetbegović, s. r.

338

Na osnovu člana 15. Uredbe sa zakonskom snagom o vršenju inostranih poslova ("Službeni list RBiH", broj 19/92), Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O POSTAVLJENJU NEREZIDENTNOG AMBASADORA REPUBLIKE BOSNE I HERCEGOVINE U KRALJEVINI NORVEŠKOJ

I

Za nerezidentnog ambasadora Republike Bosne i Hercegovine u Kraljevini Norveškoj postavlja se IZET ŠERDAREVIĆ, ambasador Republike Bosne i Hercegovine u Švedskoj.

II

Odluku objaviti u "Službenom listu RBiH".

Broj 02-111-526/94
30. juli 1994. godine
SarajevoPredsjednik
Predsjedništva RBiH,
Alija Izetbegović, s. r.

339

Na osnovu Amandmana LI tačka 5. stav 3. na Ustav Republike Bosne i Hercegovine i člana 16. Uredbe sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92, 3/93 i 22/93), Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O RAZRJEŠENJU I IZBORU ČLANOVA RATNOG
PREDSJEDNIŠTVA SKUPŠTINE OPŠTINE BOSANSKI
PETROVAC

I

U Odluci o izboru predsjednika i članova Ratnog predsjedništva Skupštine opštine Bosanski Petrovac ("Službeni list RBiH", broj 23/93), u tački I razrješava se dužnosti člana Ratnog predsjedništva NEVSAD RAMIĆ, a za članove Ratnog predsjedništva biraju se:

1. EDITA JAGANJAC
2. MUSTAFA FERIZOVIĆ
3. DŽEMIL FAZLIĆ
4. AHMET HIDIĆ
5. ŠEFKO HAJDAR
6. MUJAGA DRUŽIĆ
7. MAŠE DRUŽIĆ
8. KEMAL HUJIĆ
9. IBRAHIM KULENOVIĆ
10. OSMAN HUJIĆ
11. ZIJAD RAMIĆ
12. SEAD HIDIĆ.

II

Odluku objaviti u "Službenom listu RBiH".

Broj 02-111-527/94
30. juli 1994. godine
SarajevoPredsjednik
Predsjedništva RBiH,
Alija Izetbegović, s. r.

340

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Državne komisije za prikupljanje činjenica o ratnim zločinima na području Bosne i Hercegovine, na sjednici od 30. jula 1994. godine, donijelo je

ODLUKU

O IMENOVANJU PREDSTAVNIKA REPUBLIKE
BOSNE I HERCEGOVINE ZA KONTAKTE SA
MEĐUNARODNIM SUDOM U HAGU

I

Za predstavnika Republike Bosne i Hercegovine za kontakte sa Međunarodnim sudom u Hagu, imenuje se VASVIJA VIDOVIĆ, pomoćnik ministra pravde.

II

Ministarstvo vanjskih poslova i Državna komisija za prikupljanje činjenica o ratnim zločinima na području Republike Bosne i Hercegovine, staraće se za sprovođenje ove odluke.

III

Odluku objaviti u "Službenom listu RBiH".

Broj 02-111-530/94
30. juli 1994. godine
SarajevoPredsjednik
Predsjedništva RBiH,
Alija Izetbegović, s. r.

341

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 30. jula 1994. godine, donijelo je

ODLUKU

O RAZRJEŠENJU SUDIJE VIŠEG SUDA ZA
PREKRŠAJE U SARAJEVU

I

Razrješava se dužnosti sudije Višeg suda za prekršaje u Sarajevu NAIM BREZAKOVIĆ, zbog neobavljanja dužnosti u dužem vremenskom periodu.

II

Ovu odluku objaviti u "Službenom listu RBiH".

Broj 02-111-534/94
30. juli 1994. godine
SarajevoPredsjednik
Predsjedništva RBiH,
Alija Izetbegović, s. r.

342

Na osnovu čl. 2. i 16. Zakona o pomilovanju ("Službeni list SRBiH", broj 17/77) i ("Službeni list RBiH", broj 6/92) i člana 49. stav 2. Poslovnika Predsjedništva Republike Bosne i Hercegovine, Predsjedništvo Republike Bosne i Hercegovine, na sjednici od 26. jula 1994. godine, donijelo je

ODLUKU

O ABOLICIJI I POMILOVANJU PO
SLUŽBENOJ DUŽNOSTI

I

Oslobadaju se od daljeg krivičnog postupka odnosno izvršenja kazne lišenja slobode, u cilju razmjene za lica zarobljena od strane agresora:

1. VICO (STEVO) MILAN
2. POPOVIĆ (ANDELKO) LUKA
3. MITROVIĆ (SIMO) STANOJA
4. SKOPLJAK (STOJKO) MILORAD
5. TOMIĆ (JOVO) ŽELJKO
6. MILIČEVIĆ (ALEKSANDAR) BRANKO
7. KOJIĆ (MIRKO) STJEPAN
8. SEKULIĆ (SAVO) BORISLAV
9. RADIĆ (MILE) LEON
10. NOVKOVIĆ (MILADIN) RATKO
11. KULUNDŽIJA (PERO) ĐORDE
12. SLADOJEVIĆ (ŽIVKO) MLADEN
13. JANJUŠIĆ (STEVAN) VESELIN
14. JANJUŠIĆ (STEVAN) VELJKO
15. JANJUŠIĆ (RISTO) DAJAN
16. JANJUŠIĆ (RISTO) DRAGAN
17. SAMARDŽIĆ (NEŠO) MILORAD
18. VUKOVIĆ (OBREN) DARKO
19. SANDIĆ (DRAGAN) ZORAN
20. ALEKSIĆ (RADOSLAV) DRAGAN
21. VUKOVIĆ (SREDOJE) MIRKO
22. VRANJEŠ (DUŠAN) RANKO
23. BULJEVIĆ (MILENKO) DUŠKO
24. FILIPOVIĆ (LAZAR) VELJKO
25. OBRADOVIĆ (BRANISLAV) SAŠA
26. RAŠIĆ (MILAN) DUŠKO
27. SAVKOVIĆ (MIHAJLO) GORAN
28. BOŽIĆ (MILAN) KONSTANTIN

nih pića, osvježavajućih bezalkoholnih pića, mineralne i gazirane vode;

10) na račun br. 10100-840-079-00108 - Carina od pravnih lica za kahvu;

11) na račun br. 10100-840-079-00116 - Posebna dažbina za carinsko evidentiranje kahve;

12) na račun br. 10100-840-079-00124 - Posebna dažbina za carinsko izravnjanje poreskog opterećenja uvozne kahve;

b) Porez na promet proizvoda:

1) na račun br. 10100-840-079-00132 - Porez na promet nafte i naftnih derivata;

2) na račun br. 10100-840-079-00159 - Porez na promet duhana i duhanskih preradevina;

3) na račun br. 10100-840-079-00167 - Porez na promet alkoholnih pića, osvježavajućih bezalkoholnih pića, mineralne i gazirane vode;

4) na račun br. 10100-840-079-00175 - Porez na promet za kahvu;

5) na račun br. 10100-840-079-00183 - Porez na reprodukciju;

6) na račun br. 10100-840-079-00191 - Poseban porez na kahvu;

2. Porez za potrebe odbrane i obnove Republike Bosne i Hercegovine

2. Porez za potrebe odbrane i obnove Republike Bosne i Hercegovine uplaćuje se na prolazne uplatne račune kod svake jedinice Službe, odnosno na nivou svake općine, i to:

1) na račun br. 840- -00205- Porez za potrebe odbrane i obnove Republike Bosne i Hercegovine, na plate koji uplaćuju pravna i fizička lica;

2) na račun br. 840- -00213- Porez za potrebe odbrane i obnove Republike Bosne i Hercegovine, na penzije;

3) na račun br. 840- -00271- Porez za potrebe odbrane i obnove Republike Bosne i Hercegovine, po osnovu honorara;

4) na račun br. 840- -00230- Porez za potrebe odbrane i obnove Republike Bosne i Hercegovine, na lična primanja građana koji samostalno obavljaju djelatnost;

Na području općine Zenica na primjer na račun 12300-840-103-00205 gdje je

12300 - Operativni broj službe;

840 - Broj prolaznog računa u planu računa službe;

103 - Brojčana oznaka općine Zenica;

00205 - Broj individualne partije računa poreza za potrebe odbrane i obnove Republike Bosne i Hercegovine, na plate koji uplaćuju pravna i fizička lica.

3. Raspoređivanje prihoda

3. Sredstvima sa računa iz ove naredbe ne može se raspoređivati prije njihovog prijenosa na devizni račun republičkog budžeta. Služba sredstva sa računa iz ove naredbe prenositi će na račun republičkog budžeta broj "10100-630-35" i to 7, 14, 22, 28 i posljednjeg dana u mjesecu.

4. Radi omogućavanja Službi da u rokovima iz tačke 3. ove naredbe rasporedi sredstva, nadležna carinarnica odnosno Uprava carina će svoju individualnu partiju otvorenu u okviru evidentnog računa broj 845 raspoređivati na odgovarajuće račune ove naredbe svakog 5, 12, 20. i 26. dana u mjesecu.

5. Vraćanje više uplaćenih, odnosno pogrešno uplaćenih prihoda vrši se putem virmanskog naloga korisnika sredstava kojima se više uplaćeni odnosno pogrešno uplaćeni prihodi vraćaju na račune korisnika kojima ti prihodi pripadaju ili na račune utvrđene ovom naredbom.

6. Služba će o izvršenim uplatama obavještavati Ministarstvo financija - Ministarstvo finansija na obrascu "Izvjestaj o uplati i rasporedu prihoda" - obrazac "D-B2".

Izvjestaj na obrascu "D-B2" Služba, dostavit će Ministarstvu financija - Ministarstvu finansija do 10-og u mjesecu za protekli mjesec.

7. Danom stupanja na snagu ove naredbe prestaju da važe uplatni računi utvrđeni Uputstvom o načinu vođenja, evidencije, kontrole i uplate poreza za potrebe odbrane i obnove Republike Bosne i Hercegovine ("Službeni list RBiH", broj 4/94)

predviđeni za uplatu deviznih prihoda i drugi uplatni računi kod Službe otvoreni za uplatu deviznih prihoda.

8. Ova naredba stupa na snagu danom objavljivanja u "Službenom listu RBiH".

Broj: 05-482-3537/94

30. jula/srpnja 1994.

Sarajevo

Zamjenik ministra

dr Izudin Kešetović, s. r.

Po izvršenom savjetovanju sa izvornim tekstom utvrđeno je da se u tekstu Zakona o izmjenama i dopunama Zakona o Radio-televiziji Bosne i Hercegovine ("Službeni list RBiH", broj 15/94), potkrala niže navedena greška tehničke prirode, te se na osnovu člana 211. Poslovnika Skupštine RBiH - Prečišćeni tekst, daje

ISPRAVKA

ZAKONA O IZMJENAMA I DOPUNAMA ZAKONA O RADIO-TELEVIZIJI BOSNE I HERCEGOVINE

U članu 10. stavu 3. umjesto riječi "Vlade" treba da stoji riječ "Skupštine".

Broj 03-02-2/94

20. juli 1994. godine

Sarajevo

Generalni sekretar

Skupštine RBiH,

Avdo Čampara, s. r.

Narodna banka Bosne i Hercegovine

Na osnovu člana 25. Zakona o deviznom poslovanju ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O NAČINU OBAVLJANJA PLATNOG PROMETA SA INOSTRANSTVOM

I - OPŠTE ODREDBE

1. Platni promet sa inostranstvom obavljaju banke ovlaštene za poslove sa inostranstvom (u daljem tekstu: banke), preko deviznih računa kod banaka u zemlji, računa kod banaka u inostranstvu i preko računa stranih banaka i stranih lica kod banaka u zemlji na način utvrđen ovom odlukom.

Platni promet sa inostranstvom za potrebe Republike, njenih organa i organizacija obavlja Narodna banka Bosne i Hercegovine (u daljem tekstu: Narodna banka) na način propisan ovom odlukom.

2. Naplate i plaćanja u platnom prometu sa inostranstvom vrše se doznakom, akreditivom, inkasom dokumenata, čekom, kreditnim pismom i drugim instrumentima plaćanja uobičajenim u međunarodnom platnom prometu.

3. U platnom prometu sa inostranstvom koriste se obrasci naloga i drugih dokumenata za obavljanje platnog prometa koje Narodna banka propiše uputstvom.

4. Banke mogu radi izvršavanja naloga u platnom prometu sa inostranstvom otvarati jedna kod druge devizne račune, preko kojih vrše prenos deviza, u okviru raspoloživih sredstava.

Banke ovlaštene za devizno-valutne poslove u zemlji mogu imati devizne račune kod banaka preko kojih vrše prenos deviza, a ne mogu otvarati devizne račune drugim bankama.

II - PLATNI PROMET SA INOSTRANSTVOM U KONVERTIBILNIM DEVIZAMA

Naplate iz inostranstva

5. Naplate iz inostranstva u konvertibilnim devizama po osnovu izvoza robe i usluga i po drugim osnovima domaće pravno lice ostvaruje preko banaka na osnovu instrumenata plaćanja iz tačke 2. ove odluke.

6. Banka preko koje se ostvari naplata iz inostranstva dužna je da korisniku naplate dostavi izvještaj o prilivu deviza, istog

ili narednog dana od dana prijema urednog obavještenja strane banke.

O izvršenju naplate banka sačinjava izvještaj za korisnika na obrascu propisanom u tački 3. ove odluke. Na osnovu tog izvještaja banka evidentira izvršenu naplatu na računu obaveza za neraspoređeni priliv u konvertibilnim devizama.

7. Korisnik naplate na osnovu primljenog izvještaja iz tačke 6. stav 1. ove odluke vrši raspored priliva na pravno lice čija je roba izvezena ili usluga izvršena (krajnji korisnik) u roku od dva radna dana od dana prijema izvještaja.

8. Banka odobrava devize deviznom računu krajnjeg korisnika istog ili narednog dana od dana prijema rasporeda priliva deviza koje joj dostavlja korisnik naplate iz tačke 7. ove odluke ili ga dostavlja na izvršenje banci kod koje treba odobriti devize na devizni račun krajnjeg korisnika.

Ako se naplata odnosi na krajnjeg korisnika koji ima devizni račun kod druge banke, banka preko koje je izvršena naplata, devize u visini iznosa koji se odnosi na krajnjeg korisnika, odobrava u korist deviznog računa druge banke.

9. Domaća fizička lica ostvaruju naplate iz inostranstva doznakom, čekom i međunarodnom poštanskom uputnicom. Isplata domaćem fizičkom licu u devizama odobrava se deviznom računu ili deviznom štednom ulogu u skladu sa nalogom strane banke na način iz tačke 8. stav 2, odnosno zahtjevu korisnika naplate.

10. Isplatu dinarske protuvrijednosti u skladu sa članom 32. Zakona o deviznom poslovanju banke će izvršiti po kupovnom kursu na dan isplate po kursnoj listi Narodne banke.

Plaćanje u inostranstvu

11. Plaćanje u inostranstvu u konvertibilnim devizama za uvoz robe i usluga i po drugim osnovima obavljaju banke instrumentima platnog prometa iz tačke 2. ove odluke, na osnovu naloga, na obrascima koje propiše Narodna banka.

12. Na osnovu naloga za plaćanje, banka vrši prenos deviza sa deviznog računa na odgovarajući prolazni račun za izvršenje plaćanja prema inostranstvu.

Plaćanje u inostranstvu devizama sa deviznog računa iz stava 1. ove tačke kada se devizni račun vodi kod jedne banke, a plaćanje vrši preko druge banke, prenos deviza na račun sa koga druga banka izvršava plaćanje vrši se zaduženjem računa pravnog lica i odobrenjem deviznog računa te druge banke.

13. Na način iz tačke 12. ove odluke vrše se i plaćanja u inostranstvu devizama sa deviznog računa i deviznog štednog uloga domaćih fizičkih lica i stranih lica s tim što naloge za plaćanje na obrascima iz tačke 11. ove odluke ispostavlja ovlaštena banka kod koje se vode ti računi.

14. Potraživanja u devizama na deviznom računu stečena iz međusobnih odnosa banaka u vršenju platnog prometa sa inostranstvom, banka može da proda na deviznom tržištu, da koristi za plaćanje u inostranstvu ili da prenese na svoje račune u inostranstvu.

III - PLATNI PROMET U DINARIMA

15. Naplate i plaćanja u dinarima u skladu sa čl. 25. i 36. Zakona o deviznom poslovanju obavljaju banke kod kojih se vode računi u dinarima stranih lica putem naloga na obrascima koje propiše Narodna banka.

IV - PLATNI PROMET SA INOSTRANSTVOM PO POSEBNIM ARANŽMANIMA

16. Platni promet sa zemljama sa kojima se zaključi platni ili drugi međudržavni ugovor obavlja se pod uslovima i na način predviđen tim ugovorom. Narodna banka propisuje način obavljanja platnog prometa sa inostranstvom po ovim aranžmanima.

17. Banke su dužne da Narodnoj banci dostavljaju potrebne podatke i izvještaje o platnom prometu sa inostranstvom na način i u rokovima koje propiše Narodna banka.

V - PRELAZNE I ZAVRŠNE ODREDBE

18. Narodna banka će donijeti uputstvo o jedinstvenom vršenju platnog prometa sa inostranstvom, načinu i rokovima

dostavljanja izvještaja i podataka o platnom prometu sa inostranstvom.

19. Danom stupanja na snagu ove odluke prestaje da važi Odluka o načinu vršenja platnog prometa sa inostranstvom ("Službeni list SFRJ", broj 9/92).

20. Ova odluka stupa na snagu danom donošenja, a objavit će se u "Službenom listu RBiH".

G broj 25/94
16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu čl. 25. i 26. stav 2. Zakona o deviznom poslovanju ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O USLOVIMA POD KOJIMA DOMAĆA PRAVNA LICA MOGU VRŠITI PREBIJANJE DUGOVANJA I POTRAŽIVANJA SA INOSTRANSTVOM

1. Narodna banka Bosne i Hercegovine (u daljem tekstu: Narodna banka) može domaćem pravnom licu izdati odobrenje za prebijanje dugovanja i potraživanja.

Odobrenje iz stava 1. ove tačke se izdaje na osnovu zahtjeva domaćeg pravnog lica - izvoznika robe i usluga uz koji se prilaže:

a) ugovor ili drugi dokumenat iz koga se vidi da je potraživanje nastalo sa stranim licem (izvozna carinska deklaracija, uvozna carinska deklaracija, faktura i dr.) i

b) pismena saglasnost strane firme za prebijanje dugovanja i potraživanja;

2. Odobrenje iz tačke 1. ove odluke izdaje se pod uslovima: a) da je poslije izvršenog izvoza robe i usluga u zemlji kupca robe uveden embargo plaćanja, izvršen državni udar, izbio rat ili nastala elementarna nepogoda (zemljotres, poplava, požar) što se dokazuje podnošenjem potvrde diplomatskog odnosno konzularnog predstavništva Republike Bosne i Hercegovine (u daljem tekstu: Republika) ili potvrde predstavništva Privredne komore Republike u odnosnoj zemlji;

b) da je poslije izvršenog izvoza robe i usluga pokrenut postupak prinudnog poravnjanja strane firme, odnosno stečajni postupak, odnosno arbitražni postupak ili sudski spor pred nadležnim sudom. U tom slučaju, umjesto saglasnosti strane firme domaće pravno lice podnosi Narodnoj banci potvrdu diplomatskog, odnosno konzularnog predstavništva Republike ili potvrdu Privredne komore Republike u odnosnoj zemlji, kojom se dokazuje pokretanje odnosnog postupka, a u slučaju da se spor vodi kod domaćeg suda, ispravu tog suda;

c) da je pokrenut postupak prinudne uprave, odnosno stečaja domaćeg pravnog lica u skladu sa propisom kojim se uređuje stečajni postupak.

3. Izuzetno od odredaba tačke 2. ove odluke, odobrenje prebijanja dugovanja i potraživanja sa inostranstvom, iz tačke 1. ove odluke Narodna banka može izdati i u drugim slučajevima, ako se naplata po nastalom potraživanju, odnosno dugovanju sa stranim licem ne može na drugi način izvršiti.

Odobrenje iz stava 1. ove tačke može se izdati pod slijedećim uslovima:

a) da se na iznos potraživanja za koje se traži prebijanje izvrši uplata svih zakonskih izdvajanja koja se odnose na redovne devizne prilive;

b) da je banka kreditor dala saglasnost u slučaju da je po izvozu po kome je nastalo potraživanje korišten kredit banke ili da postoji pismena izjava domaćeg pravnog lica da kredit nije korišten;

4. Odobrenje za prebijanje dugovanja i potraživanja sa inostranstvom može se izdati i ako u prebijanju učestvuje više domaćih pravnih lica ili više stranih lica koja su dala svoju saglasnost za prebijanje.

Zahtjev za prebijanje dugovanja i potraživanja iz stava 1. ove tačke potpisuju sva lica koja učestvuju u prebijanju i uz zahtjev se prilažu fotokopije saglasnosti stranih lica.

5. Dan izdatog odobrenja smatra se danom naplate.

6. Danom stupanja na snagu ove odluke prestaje da važi Odluka o uslovima pod kojima preduzeća i druga pravna lica mogu izvršiti prebijanje dugovanja i potraživanja s inostranstvom ("Službeni list SFRJ", broj 17/90).

7. Ova odluka stupa na snagu danom donošenja, a objavit će se u "Službenom listu RBiH".

G broj 26/94

16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 22. stav 4. Zakona o bankama ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O DRUGIM POSLOVIMA KOJI SE SMATRAJU BANKARSKIM POSLOVIMA

I

Pod drugim poslovima koji se smatraju bankarskim poslovima, smatraju se:

1. Poslovi finansijskog inženjeringa:
 - a) upravljanje finansijskim preduzećima
 - ekspertize, dijagnostika i restrukturiranje,
 - tehnički savjeti u poslovima finansiranja, plasmana i upravljanja likvidnošću, solventnošću, kamatnim i valutnim rizicima,
 - savjeti vezani za strategiju,
- b) poslovi u funkciji agenta: leasing, factoring, forfeiting, frenchizing,
- c) poslovi na finansijskom tržištu čiji je cilj smanjenje bankarskih rizika: swaps, futures, hedging, options;
2. Ulaganje u pojedinačne kratkoročne poslove preduzeća na principu zajedničkog rizika, koji obezbjeđuju participiranje banke u dobiti preduzeća po tim poslovima. Ukupna ulaganja banke ove vrste ne mogu preći dvostruki iznos kapitala banke;
3. Obavljanje tehnologije poslovnih procedura: evidencija, knjigovodstva i informacionog sistema preduzeća.

II

Ova odluka stupa na snagu danom donošenja, a objavit će se u "Službenom listu RBiH".

G broj 27/94

16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 17. stav 2. Zakona o bankama ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O USLOVIMA, NAČINU, POSTUPKU I ROKOVIMA ZA IZDAVANJE DOZVOLE ZA STATUSNU PROMJENU BANAKA I DRUGIH DEPOZITNIH ORGANIZACIJA

1. Banka ili druga depozitna organizacija (u daljem tekstu: banka) se može spojiti sa drugom bankom odnosno pripojiti drugoj banci na osnovu odluke skupštine ili drugih odgovarajućih organa upravljanja banaka učesnica u statusnoj promjeni ili u skladu sa Zakonom o sanaciji, stečaju i likvidaciji banaka.
2. Statusna promjena banaka se vrši na osnovu elaborata o ekonomsko-finansijskoj opravdanosti statusne promjene banaka.

3. Statusna promjena banaka se može izvršiti pod uslovom da banka nakon izvršene statusne promjene ispunjava odredbe člana 20. Zakona o bankama, odnosno poboljša prosječan položaj prije statusne promjene.

4. Banke učesnice u statusnoj promjeni su dužne da postupak statusne promjene obave u roku od tri mjeseca od dana dobijanja dozvole za statusnu promjenu i o tome odmah obavijeste Narodnu banku Bosne i Hercegovine.

5. Statusnu promjenu banka nakon izvršene statusne promjene objavljuje u sredstvima javnog informisanja.

6. Ova odluka stupa na snagu danom donošenja, a objavit će se u "Službenom listu RBiH".

G broj 28/94

16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 6. stav 2. Zakona o tržištu novca i tržištu kapitala ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O BLIŽIM USLOVIMA I KRITERIJIMA ZA IZDAVANJE DOZVOLE ZA OSNIVANJE TRŽIŠTA NOVCA

1. Osnivači tržišta novca su dužni da obezbijede:
 - a) uslove iz člana 4. tačke 5. Zakona o bankama s tim da kapital za osnivanje tržišta novca ne može biti manji od 100.000 SAD dolara izraženih u dinarima;
 - b) da tržište novca uredno obavještava Narodnu banku Bosne i Hercegovine (u daljem tekstu: Narodna banka) o učesnicima na tržištu novca;
 - c) da planirani kadrovski, tehnički i tehnološki preduslovi obezbjeđuju realne pretpostavke za uspješno poslovanje u skladu sa prirodom rada i poslovanja tržišta novca i zakonom propisanim uslovima, pri čemu se naročito cijeni:
 - adekvatnost organizacije tržišta novca,
 - adekvatnost projekcije kadrova tržišta novca,
 - obezbjeđenje i adekvatnost poslovnog prostora,
 - adekvatnost potencijala tehničkih sredstava za rad,
 - stepen i adekvatnost automatizacije poslova,
 - adekvatnost projiciranog informacionog sistema u smislu efikasnog, blagovremenog i tačnog informisanja rukovodstva i organa tržišta novca, organa i institucija izvan tržišta novca i učesnika na tržištu novca i njihovih komitenata,
 - obezbjeđenje stalne i efikasne interne kontrole poslovanja i unutrašnje kontrole tržišta novca, itd.
 - d) ostale kvantitativne i kvalitativne uslove koji će obezbijediti podsticaj ka stabilnom i uspješnom poslovanju tržišta novca i ukupnog monetarnog i bankarskog sistema zemlje.
2. Ova odluka stupa na snagu danom donošenja, a objavit će se u "Službenom listu RBiH".

G broj 29/94

16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 73. stav 3. Zakona o bankama ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O USKLADIVANJU POSLOVANJA BANKE I DRUGE DEPOZITNE ORGANIZACIJE SA ODREDBAMA ZAKONA O BANKAMA

1. Banka i druga depozitna organizacija (u daljem tekstu: banka) je dužna da svoje poslovanje uskladi sa odredbama

Zakona o bankama (u daljem tekstu: Zakon), na način i u rokovima propisanim Zakonom i ovom odlukom.

2. Akta iz članova 9. stav 1. tačke 4), 12, 13 i 14. Zakona, banka je dužna da uskladi sa odredbama Zakona u roku šest mjeseci od dana stupanja na snagu ove odluke, ako se dioničari banke koji, prema postojećem statutu banke, raspolažu sa potrebnim brojem glasova u ukupnim glasovima u skupštini banke, nalaze na teritoriji Republike Bosne i Hercegovine pod kontrolom legalnih vlasti Republike Bosne i Hercegovine.

Ako nema uslova iz stava 1. ove tačke, banka je dužna da u istom roku izvrši usklađivanje svojih akata na način predviđen članom 67. Zakona s tim da ne može vršiti statusne promjene banke.

O izvršenom usklađivanju akata, banka je dužna odmah obavijestiti Narodnu banku Bosne i Hercegovine.

3. Uslove iz odredbi člana 50. st. 2, 3. i 4. Zakona, banka je dužna da obezbijedi na način i pod uslovima iz tačke 2. ove odluke.

4. Ova odluka stupa na snagu danom donošenja, a objavit će se u "Službenom listu RBiH".

G broj 30/94
16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 63. Zakona o bankama ("Službeni list RBiH", br. 10/94 i 13/94) i člana 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O USLOVIMA ZA OSNIVANJE I POSLOVANJE DRUGE DEPOZITNE ORGANIZACIJE

1. Iznos novčanog uloga u dionički kapital depozitne organizacije u smislu člana 62. Zakona o bankama ne može biti manji od 300.000 SAD dolara izražen u dinarima.

Nenovčani ulog u dionički kapital depozitne organizacije ne može biti veći od 30% dioničkog kapitala depozitne organizacije.

2. Štedionica je nebankarska depozitna finansijska organizacija koja se osniva za pospješivanje i mobilizaciju štednje građana.

Štedionicu mogu osnovati domaća pravna i fizička lica.

Štedionicu može, za određeno područje, osnovati i društveno-politička zajednica, donošenjem odluke o osnivanju štedionice i davanjem pismene izjave o neopozivoj garanciji za obaveze i pravila štedionice.

3. Osnivač štedionice ne može biti lice koje je:

- u stečajnom postupku;
- pod prinudnim poravnanjem i
- pod starateljstvom ili osuđeno za krivično djelo protiv imovine.

4. Štedionica se može baviti slijedećim poslovima:

- prikupljati dinarske štedne uloge građana i građansko-pravnih lica;
- voditi depozite tekućih i žiro-računa građana i građansko-pravnih lica;
- kupovati strana sredstva plaćanja, bankarske i putničke čekove i čekove Narodne banke Bosne i Hercegovine;
- davati sve vrste kredita građanima i građansko-pravnim licima za unapređenje djelatnosti građana i građansko-pravnih lica, za kupovinu i izgradnju stanova, za nabavku robe široke potrošnje i druge potrebe;
- slobodna sredstva može plasirati u vrijednosne papire države i preduzeća i u depozite kod banaka, vodeći računa o likvidnosti i sigurnosti plasmana;
- sredstva koja se ne iskoriste za plasmane iz alineja 4. i 5. ove tačke, mogu se koristiti u skladu sa odlukom njenih osnivača za davanje kredita preduzećima preko banaka.

5. Organizacija PTT koja se bavi poslovima štednje može obavljati i slijedeće poslove:

- obračunavati i vršiti kontrolu uplata i isplata poštanskih i telegrafskih uputničkih doznaka u unutrašnjem platnom prometu;

- u skladu sa aktima svjetskog poštanskog saveza, vršiti poslove međunarodne uputničke, poštansko-čekovne, poštansko-štedne i otkupne službe, kao i obavljati druge poslove u ime i za račun preduzeća PTT saobraćaja i drugih pravnih lica, na osnovu ovlaštenja koja je od njih dobila.

6. Ostale depozitne organizacije: stambena zadruga, štedno-kreditna zadruga i druga finansijska organizacija koja se bavi depozitnim poslovima svoje poslovanje obavlja u skladu sa osnivačkim i aktima svoje poslovne politike, u okviru određene djelatnosti i vrste poslova za koje je dobila dozvolu Narodne banke za osnivanje i poslovanje.

7. Ova odluka stupa na snagu danom donošenja, a objavit će se u "Službenom listu RBiH".

G broj 31/94
16. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 19. st. 2. i 3. Zakona o deviznom poslovanju ("Službeni list RBiH", br. 10/94 i 13/94) i člana 82. stav 1. pod a)/1. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O NAČINU OBAVLJANJA MJENJAČKIH POSLOVA

1. Ovom odlukom propisuje se način kupovine i prodaje efektivnog stranog novca, putničkih i bankarskih čekova, kreditnih pisama, bonova za putarinu za vozila inostrane registracije, benzinskih bonova i drugih vrijednosnih papira koji glase na strana sredstva plaćanja (u daljem tekstu: mjenjački poslovi).

Mjenjačke poslove iz stava 1. ove tačke mogu obavljati banke i depozitne organizacije na osnovu posebnog odobrenja Narodne banke Bosne i Hercegovine (u daljem tekstu: Narodna banka) za obavljanje devizno valutnih poslova, poslova platnog prometa sa inostranstvom i kreditno-garancijskih poslova sa inostranstvom (u daljem tekstu: banke) i druga domaća pravna lica i samostalni privrednici, ako sa bankom zaključe ugovor o obavljanju ovih poslova (u daljem tekstu: ovlašteni mjenjači).

2. Za obavljanje mjenjačkih poslova mjenjači su obavezni ispunjavati slijedeće uslove:

- a) da su registrovani kod nadležnog suda, odnosno kod nadležnog organa uprave za obavljanje ovih poslova,
- b) da imaju odgovarajuće prostorije za vršenje mjenjačkih poslova koje ispunjavaju higijensko-tehničke uslove u skladu sa propisima,
- c) da u prostorijama za obavljanje mjenjačkih poslova posjeduju kasu, odnosno druga sredstva za bezbjedno čuvanje efektivnog domaćeg i stranog novca i drugih vrijednosnih papira,
- d) da imaju oznaku sa posebnim natpisom "mjenjačnica" na našem i najmanje jednom svjetskom jeziku,
- e) da na vidnom mjestu imaju stalno istaknutu važeću listu kurseva efektivnog stranog novca,
- f) da su osigurani od moguće štete (krada, požar, i sl.) kao i štete koja može nastati naplatom i kupovinom falsifikovanog stranog novca i čekova.

Radnici koji rade na mjenjačkim poslovima moraju biti stručno obučeni za obavljanje ovih poslova, vođenje svih propisanih evidencija i obračuna i poznavati najmanje jedan svjetski jezik.

Izuzetno od odredaba stava 1. ove tačke u međunarodnim vozovima, mjenjačke poslove mogu obavljati i putujući mjenjači - lica zaposlena u banci, odnosno kod ovlaštenog mjenjača na osnovu posebnog odobrenja banke odnosno mjenjača.

3. Ovlašteni mjenjači obavljaju mjenjačke poslove na osnovu ugovora o obavljanju ovih poslova koje zaključuju sa bankom.

Ugovori iz stava 1. ove tačke zaključuju se na neodređeno vrijeme, s tim da otkazni rok za raskid ugovora ne može biti kraći od 90 dana.

4. Za obavljenu kupovinu stranih sredstava plaćanja izdaje se potvrda o kupovini u originalu sa dvije kopije. Strana sredstva plaćanja kupuju se za gotov novac.

5. Prodaja stranih sredstava plaćanja stranim fizičkim licima i građanima Republike Bosne i Hercegovine na privremeno radu u inostranstvu (retransfer) obavlja se isključivo u visini neiskorištenih dinara koji potiču od deviza prodanih banci ili ovlaštenom mjenjaču, odnosno neutrošenih benzinskih bonova i bonova za putarinu uz putnu ispravu.

Za prodaju stranih sredstava plaćanja iz stava 1. ove tačke izdaje se potvrda o prodaji.

6. Banke i ovlašteni mjenjači kupuju i prodaju strana sredstva plaćanja sa kursne liste Narodne banke po kupovnom odnosno prodajnom kursu za efektivni strani novac, čekove i kreditna pisma koji važe na dan kupovine odnosno prodaje.

7. Banke su obavezne prodati Narodnoj banci 45 % efektivnog stranog novca u smislu člana 60. Zakona o deviznom poslovanju.

8. Kupljena strana sredstva plaćanja ovlašteni mjenjač dostavlja banci u roku od tri radna dana po izvršenoj kupovini, a banka kupljeni efektivni strani novac dostavlja Narodnoj banci dekadno.

9. Banka je dužna da ovlaštenom mjenjaču, pravovremeno dostavlja uputstva, važeću kursnu listu, obrasce potvrda o kupovini, odnosno prodaji i druge obrasce koji se koriste u obavljanju mjenjačkih poslova.

Obrasce potvrda o kupovini, odnosno prodaji stranih sredstava plaćanja imaju serijske brojeve, ne smiju se cijepati ili uništavati, a štampaju se u blokovima po serijskim brojevima, kao i na traci obračunskih strojeva, sa potrebnim podacima propisanim za te obrasce.

Banka je dužna da obezbijedi evidenciju o izdatim blokovima obrazaca potvrda iz stava 1. ove tačke.

10. Mjenjačka provizija koju banka plaća ovlaštenim mjenjačima iznosi najmanje 1 %, a mjenjačka provizija koju banka plaća ovlaštenim organizacijama za prodate benzinske bonove i bonove za putarinu iznosi 2 %.

11. Za pokriće troškova za obavljanje mjenjačkih poslova banke i ovlašteni mjenjači naplaćuju od stranih lica najviše 1,5 % od dinarske protuvrijednosti obračunate po kupovnom kursu za efektivni, odnosno čekove i kreditna pisma, osim za euro-čekove, benzinske bonove i bonove za putarinu.

12. Narodna banka će snositi troškove na ime obračunate provizije koje imaju banke i ovlašteni mjenjači, najviše do 3 % dinarske protuvrijednosti od prodanih stranih sredstava plaćanja Narodnoj banci, po osnovu izvršene kupovine od domaćih fizičkih lica.

Troškovi iz stava 1. ove tačke regulisat će se ugovorom između Narodne banke i banke.

13. Za pokriće troškova za prodaju efektivnog stranog novca radi retransfera u inostranstvo, banke i ovlašteni mjenjači naplaćuju od stranih i domaćih lica do 1 % dinarske protuvrijednosti obračunate po prodajnom kursu za efektivni strani novac, koji važi na dan prodaje.

14. Danom stupanja na snagu ove odluke prestaje da važi Odluka o načinu obavljanja mjenjačkih poslova u ime i za račun Narodne banke Bosne i Hercegovine ("Službeni list RBiH", br. 13/92 i 15/92).

15. Ova odluka stupa na snagu danom objavljivanja u "Službenom listu RBiH".

G broj 33/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 49. Zakona o deviznom poslovanju ("Službeni list RBiH", br. 10/94 i 13/94) i člana 82. stav 1. pod a)/1 i 19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O USLOVIMA POD KOJIMA SE OBAVLJA IZNOŠENJE EFEKTIVNOG STRANOG NOVCA, VRIJEDNOSNIH PAPIRA I VRIJEDNOSNICA KOJE GLASE NA STRANA SREDSTVA PLAĆANJA

1. Efektivni strani novac iz Republike Bosne i Hercegovine (u daljem tekstu: Republika) u inostranstvo mogu iznositi domaća pravna lica i to:

a) efektivni strani novac koji Narodna banka Bosne i Hercegovine (u daljem tekstu: Narodna banka) iznosi ili šalje u korist svog računa kod inostranog korespodenta;

b) efektivni strani novac koji banke na osnovu posebnog odobrenja Narodne banke za obavljanje platnog prometa sa inostranstvom iznose ili šalju u korist svojih računa kod inostranih korespodenata;

c) efektivni strani novac koji građani nose sa sobom po osnovu službenog putovanja, na osnovu ovjerenog naloga 1450 i odluke organa upravljanja koji to lice upućuje na službeni put.

2. Efektivni strani novac iz Republike mogu iznositi domaća fizička lica prilikom putovanja u inostranstvo u iznosu do DEM 2000 ili protuvrijednosti u drugoj valuti.

Ukoliko domaća fizička lica prilikom putovanja u inostranstvo nose veći iznos efektivnog stranog novca od iznosa propisanog u stavu 1. ove tačke, dužni su ga prijaviti i deponovati carinskim organima.

Efektivni strani novac građani iznose na osnovu potvrde banke o kupljenom stranom novcu ili podignutom sa deviznog računa ili deviznog štednog uloga.

Potvrdu iz stava 3. ove tačke građani su dužni predložiti carinskim organima prilikom prelaska granice.

Potvrda iz stava 3. ove tačke se izdaje za jedan prelazak granice i važi 3 mjeseca.

Strana fizička lica dužna su prilikom ulaska u Republiku odnosno prilikom izlaska iz Republike, prijaviti carinskim organima iznos efektivnog stranog novca koji unose odnosno koji iznose iz Republike, s tim da prilikom izlaska iz Republike mogu iznijeti efektivnog stranog novca najviše do iznosa kojeg su unijeli u Republiku.

3. Iznošenje vrijednosnih papira i vrijednosnica koje glase na strana sredstva plaćanja može se obavljati na osnovu odobrenja Narodne banke.

Narodna banka može izdati odobrenje za iznošenje:

a) stranih vrijednosnih papira, ako ti papiri potiču od uloga iz inostranstva domaćeg pravnog lica i to radi deponovanja kod banke u inostranstvu ili radi korištenja za određene namjene kad poslovanje sa inostranstvom to zahtijeva (propisana obaveza držanja vrijednosnih papira u zemlji izdavanja, obaveza deponovanja radi prisustvovanja na skupu akcionara i dr.);

b) vrijednosnica odnosno vrijednosnih papira koji glase na stranu valutu, a koji su prispjeli iz inostranstva, ako ih podnosioc zahtijeva vraća u inostranstvo radi ispravke podataka zbog isteka roka ili drugih razloga.

Strano lice koje je prilikom unošenja u Republiku prijavilo carinskim organima strane vrijednosne papire, može te papire slobodno iznijeti.

4. Ova odluka stupa na snagu danom objavljivanja u "Službenom listu RBiH".

G broj 34/94

23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 82. stav 1. pod a)/1 i 19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine donosi

ODLUKU

O ODOBRAVANJU SREDSTAVA PRIMARNE EMISIJE ZA KUPOVINU STRANIH SREDSTAVA PLAĆANJA ZA DEVIZNE REZERVE REPUBLIKE

1. Ovom odlukom se reguliše odobravanje sredstava primarne emisije za formiranje stalnih deviznih rezervi Republike Bosne i Hercegovine (u daljem tekstu: Republika) kojima ru-

kuje Narodna banka Bosne i Hercegovine (u daljem tekstu: Narodna banka).

2. Na osnovu čl. 60. i 65. st. 1. i 2. Zakona o deviznom poslovanju, banke i preduzeća su obavezni da prodaju Narodnoj banci:

a) 45% efektivnog stranog novca ostvarenog po mjenjačkim poslovima;

b) 25% deviznog priliva ostvarenog po osnovu izvoza roba i usluga;

c) 5% deviznog priliva ostvarenog po osnovu izvođenja investicionih radova u inostranstvu.

3. Na osnovu člana 8. stav 2. Zakona o uslovima pod kojima se prava i obaveze mogu izvršavati i izražavati u stranim sredstvima plaćanja, banke su obavezne prodavati Narodnoj banci 10% deviznih sredstava od iznosa plaćanja prema inostranstvu.

4. Izuzetno, za kupovinu sredstava koju banke ponude Narodnoj banci, a nisu propisana tač. 2. i 3. ove odluke, Narodna banka će odobravati sredstva iz primarne emisije za svaki pojedinačan slučaj.

5. Za kupovinu efektivnog stranog novca ostvarenog po mjenjačkim poslovima (tačka 2. pod a) Narodna banka će po zaključivanju ugovora sa bankama odobriti avans.

6. Narodna banka je dužna najkasnije u roku od 2 dana od dana obavijesti ili potvrde banke da je izvršila prenos deviznih sredstava, da isplati dinarsku protuvrijednost po srednjem kursu na dan davanja virmanskog naloga za prenos u korist banke.

Avanse odobrava u visini od 45% od izvršene kupovine stranih sredstava plaćanja u protekloj dekadi, s tim što se prvi avans odobrava na osnovu procjene banke. Iznos avansa može biti i veći od 45% ukoliko se kupovina obavlja u ime i za račun Narodne banke u cilju formiranja deviznih rezervi Republike.

7. Banke su dužne da najkasnije u roku od 2 radna dana od dobivanja avansa, isti prenesu ovlaštenom mjenjaču.

8. Na iznos namjenski iskorištenog avansa za kupovinu stranih sredstava plaćanja, banke ne plaćaju kamatu, dok za iznos više korištenih sredstava avansa u odnosu na izvršenu kupovinu stranih sredstava plaćanja, banke plaćaju kamatu po eskontnoj stopi Narodne banke.

9. Danom stupanja na snagu ove odluke prestaje da važi Odluka o odobravanju dinarskih sredstava na ime avansa za kupovinu inozemnih sredstava plaćanja, načinu otpremanja, polaganja i prenošenja inozemnih sredstava plaćanja na račun Narodne banke Bosne i Hercegovine koje ovlaštene banke za obavljanje mjenjačkih poslova obavljaju u svoje ime i za račun Narodne banke Bosne i Hercegovine ("Službeni list RBiH", broj 13/92).

10. Ova odluka stupa na snagu danom objavljivanja u "Službenom listu RBiH".

G broj 35/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu čl. 10, 11, 12. i 82. stav 1. pod a)/4, 5. i 8. Zakona o Narodnoj banci Bosne i Hercegovine ("Službeni list RBiH", broj 1/93 i 13/94), guverner Narodne banke Bosne i Hercegovine, donosi

ODLUKU

O OZMJENI ODLUKE O OBAVEZNOJ REZERV BANAKA KOD NARODNE BANKE BOSNE I HERCEGOVINE

1. U Odluci o obaveznoj rezervi banaka kod Narodne banke Bosne i Hercegovine ("Službeni list RBiH", broj 14/93) tačka 10. mijenja se i glasi:

"10. Banke su na korištena sredstva obavezne rezerve dužne da plate kamatu Narodnoj banci u skladu sa Odlukom o kamatnim stopama Narodne banke Bosne i Hercegovine."

2. U Odluci iz tačke 1. ove odluke, tačka 11. mijenja se i glasi:

"11. Banke koje nepravilno obračunavaju obaveznu rezervu i koje u roku ne izdvajaju obaveznu rezervu, dužne su da na

iznos manje obračunate i neblagovremeno izdvojene obavezne rezerve, plate Narodnoj banci kamatu u skladu sa Odlukom o kamatnim stopama Narodne banke Bosne i Hercegovine, zašto su dužne sastaviti obračun i zajedno sa nalogom o plaćenju naknadi dostaviti ga do 11-og u mjesecu Narodnoj banci."

3. Ova odluka stupa na snagu danom objavljivanja u "Službenom listu RBiH".

G broj 36/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 31. stav 2. Zakona o vrijednosnim papirima ("Službeni list RBiH", broj 10/94 i 13/94) i čl. 10. i 82. stav 1. pod a)/1. i 19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O SADRŽAJU ODLUKE O IZDAVANJU BLAGAJNIČKIH ZAPISA

1. Odluka o izdavanju blagajničkih zapisa (u daljem tekstu: odluka), koju donosi Narodna banka Bosne i Hercegovine (u daljem tekstu: Narodna banka), banka, depozitna organizacija i društveno-politička zajednica sadrži slijedeće elemente:

1) puni naziv i sjedište Narodne banke, banke, depozitne organizacije i društveno-političke zajednice - izdavaoca blagajničkog zapisa,

2) namjenu sredstava prikupljenih pomoću blagajničkih zapisa,

3) oznaku da li blagajnički zapis glasi na ime ili na donosioca,

4) ukupan iznos do kojeg se izdaju blagajnički zapisi i da li se izdaju odjedanput ili u tranšama. Ako se izdaju u tranšama, odlukom se utvrđuje broj tranši, iznos po pojedinim tranšama i u kojim će se vremenskim intervalima tranše realizovati,

5) ukupno izdate vrijednosne papire, do trenutka donošenja odluke, koji su u opticaju - po vrstama i rokovima dospijanja papira,

6) odnos ukupno izdatih vrijednosnih papira od izdavaoca, uključujući i iznos izdavanja blagajničkih zapisa koji se utvrđuje odlukom prema vlastitim sredstvima izdavaoca. Pod vlastitim sredstvima izdavaoca, u smislu ove odluke podrazumijeva se - kod banke i druge depozitne organizacije dionički kapital, a kod društveno-političke zajednice - sredstva budžeta predviđena za namirenje obaveza po izdatim vrijednosnim papirima i budžetska rezerva,

7) pojedinačni nominalni iznos na koji će glasiti svaki blagajnički zapis, s tim da se može predvidjeti da se u okviru jednog izdanja mogu izdati blagajnički zapisi različitih nominalnih iznosa, u kojem slučaju se, u okviru ukupnog iznosa utvrđuje broj blagajničkih zapisa za svaki pojedinačni nominalni iznos. Odlukom se može predvidjeti da blagajnički zapis nema unaprijed utvrđen nominalni iznos, već se iznos unosi u blagajnički zapis pri njegovom upisu i uplati, u kojem slučaju izdati blagajnički zapisi ne mogu biti veći od ukupnog iznosa izdanja,

8) rok dospijanja koji ne može biti duži od dvanaest mjeseci. U okviru jednog izdanja mogu se utvrditi različiti rokovi dospijanja, s tim što se odlukom, u okviru ukupnog iznosa, utvrđuje koji se dio tog iznosa odnosi na pojedine rokove dospijanja blagajničkih zapisa,

9) visinu kamatne stope, vrijeme i način obračuna i plaćanja kamata. Način obračuna i plaćanja kamata može biti po godišnjoj, polugodišnjoj, tromjesečnoj ili mjesečnoj kamatnoj stopi, uz primjenu relativne ili komforne kamatne stope za razdoblje kraće od jedne godine. Vrijeme obračuna i plaćanja kamata može biti utvrđeno ovako: prvo, kamate se obračunavaju unaprijed, s tim što se obračunate kamate odbijaju od nominalne vrijednosti i pri upisu blagajničkog zapisa uplaćuju diskontirani nominalni iznos; drugo, kamate se obračunavaju i plaćaju mjesečno, a o roku dospijanja isplaćuju se kamate za

posljednji mjesec zajedno s dospjelim glavnicom; treće, kamate se obračunavaju o roku dospelja i isplaćuju s dospjelim glavnicom,

10) posebna prava kupca kojima se utvrđuje da li izdavalac daje kupcu mogućnost da blagajnički zapis, uz diskont ponudi na otkup i prije roka njegovog dospelja, pravo kupca na kredit uz zalog blagajničkih zapisa (lombard), mogućnost plaćanja blagajničkim zapisima određenih obaveza (kupovina robe, otpлата kredita, plaćanje poreza, carina, taksa i drugih fiskalnih obaveza) i druge pogodnosti. U odluci moraju biti naznačeni uslovi uz koje se te pogodnosti mogu koristiti,

11) serijski broj odnosno koje redne brojeve u okviru pojedine serije nose blagajnički zapisi pojedinog izdanja,

12) imena ovlaštenih lica izdavaoca blagajničkih zapisa čiji će faksimili potpisa biti utiskani ili na drugi način utisnuti na obrascu blagajničkog zapisa.

2. Ova odluka stupa na snagu danom objavljivanja u "Službenom listu RBiH".

G broj 37/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu čl. 30-34. Zakona o vrijednosnim papirima ("Službeni list RBiH", br. 10/94 i 13/94) i čl. 10. stav 2, 13. i 82. stav 1. pod a)/6. Zakona o Narodnoj banci Bosne i Hercegovine ("Službeni list RBiH", broj 1/93 i 13/94), guverner Narodne banke Bosne i Hercegovine, donosi

ODLUKU

O IZDAVANJU BLAGAJNIČKIH ZAPISA NARODNE BANKE BOSNE I HERCEGOVINE

1. Narodna banka Bosne i Hercegovine (u daljem tekstu: Narodna banka) izdat će blagajničke zapise koje banke i druge depozitne organizacije (u daljem tekstu: banke) mogu upisivati na način i pod uslovima koji su utvrđeni ovom odlukom.

2. Blagajnički zapis, u smislu ove odluke sadrži sljedeće osnovne elemente: oznaku da je blagajnički zapis, naziv i sjedište izdavaoca blagajničkog zapisa, naziv i sjedište upisnika blagajničkog zapisa odnosno oznaku da blagajnički zapis glasi na donosioca, novčani iznos na koji blagajnički zapis glasi, visinu kamatne stope, rok otplate glavnice i kamate, mjesto i datum izdavanja, serijski broj s kontrolnim brojem blagajničkog zapisa i faksimil potpisa guvernera Narodne banke.

Blagajnički zapisi, u smislu ove odluke, izdati će se sa rokom dospelja do godinu dana.

Ukupno stanje izdatih, a neisplaćenih blagajničkih zapisa Narodne banke po ovoj odluci može iznositi najviše 200.000.000 dinara.

Blagajnički zapisi u smislu ove odluke izdaju se u apoenima od 500.000, 1.000.000, 3.000.000 i 5.000.000 dinara.

3. Banke mogu (u okviru iznosa iz tačke 2. stav 3. ove odluke) upisivati kod Narodne banke sljedeće blagajničke zapise:

- obavezan upis, po osnovu minimalne likvidnosti u blagajničkim zapisima, upisivati će se sa rokovima dospelja od petnaest dana, mjesec dana, tri, šest i dvanaest mjeseci,

- dobrovoljan upis po osnovu povlačenja viška likvidnosti upisivati će se sa rokovima dospelja od mjesec dana, tri, šest i dvanaest mjeseci, po nominalnom iznosu, a prema dogovoru koji proizlazi iz poslovnih odnosa.

4. Prava i obaveze iz blagajničkog zapisa nastaju kada Narodna banka izda blagajnički zapis kupcu ili njegovom ovlaštenom zastupniku.

Izuzetno, prava i obaveze iz stava 1. ove tačke mogu nastati i kada Narodna banka preda potvrdu banci na njen zahtjev, kao zamjenu za blagajnički zapis, s tim da ta potvrda sadrži elemente utvrđene u tački 2. stav 1. ove odluke.

5. Kamatne stope na upisane blagajničke zapise Narodna banka obračunava i plaća u skladu sa Odlukom o kamatnim stopama Narodne banke Bosne i Hercegovine.

6. Blagajničke zapise upisane u skladu sa ovom odlukom banke mogu prenositi na druge banke po osnovu kupoprodaje tih zapisa ili za izmirivanje obaveza između banaka, pod uslovima i na način koji imalac blagajničkog zapisa ugovori sa kupcem.

7. Ova odluka stupa na snagu danom objavljivanja u "Službenom listu RBiH".

G broj 38/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu čl. 13. stav 3, 20, 21. i 82. stav 1. pod a)/10. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O NAČINU ODRŽAVANJA MINIMALNE LIKVIDNOSTI BANAKA

1. Radi održavanja svoje likvidnosti, banke su obavezne da u novčanim sredstvima, računajući u prosjeku za jedan mjesec, drže sredstva najmanje u visini od 10% dinarskih kratkoročnih izvora sredstava, prema knjigovodstvenom stanju tih izvora sredstava na kraju prethodnog mjeseca.

Banke su obavezne da u blagajničkim zapisima Narodne banke Bosne i Hercegovine (u daljem tekstu: Narodna banka) računajući u prosjeku za jedan mjesec, drže iznos najmanje u visini od 8% dinarskih kratkoročnih izvora sredstava, prema knjigovodstvenom stanju tih sredstava na kraju prethodnog mjeseca (obavezan upis blagajničkih zapisa).

Pod novčanim sredstvima banaka, u skladu sa stavom 1. ove tačke, podrazumijevaju se sredstva na žiro računu kod Narodne banke i sredstva u kasi u vidu dinarske gotovine.

Pod dinarskim kratkoročnim izvorima sredstava, u skladu sa st. 1. i 2. ove tačke, podrazumijevaju se dinarski depoziti iskazani u pasivi kratkoročnog bilansa banke i to: depozitni novac, ostali depoziti po videnju, ograničeni depoziti, kratkoročne obaveze po oročenim depozitima i izdatim vrijednosnim papirima.

Pri obračunu minimalne likvidnosti, u skladu s ovom odlukom, banke će kratkoročne izvore sredstava iz stava 4. ove tačke umanjiti za iznos: sredstava namijenjenih za odbrambene potrebe zemlje, namjenski prikupljenih sredstava u vidu humanitarne pomoći i donatorstva, sredstava solidarnosti namijenjenih humanitarnim organizacijama, sredstava prikupljenih za smještaj i povratak izbjeglica, sredstava prikupljenih za osposobljavanje invalida rata za proces rada, sredstava solidarnosti prikupljenih za otklanjanje posljedica elementarnih nepogoda, kao i nesreća u rudnicima uglja, a koja su kod banaka primljena na posebne račune.

Pod elementarnim nepogodama, podrazumijevaju se: zemljotres, poplava, suša, grad, olujni vjetar i druge nepogode kojima je ugrožen život ili zdravlje većeg broja ljudi, odnosno prouzrokovana šteta većeg obima.

2. Izuzetno od tačke 1. ove odluke banke mogu dio obaveze iz tačke 1. stava 1. ove odluke umjesto u novčanim sredstvima, držati u blagajničkim zapisima Narodne banke koje banke upisuju na dobrovoljnoj osnovi i blagajničkim zapisima Republike Bosne i Hercegovine, a najviše do 70% te obaveze.

3. Prosjek novčanih sredstava u skladu sa tačkom 1. stavom 1. i tačkom 2. ove odluke računa se za kalendarski mjesec i izračunava tako što se sabere dnevna stanja novčanih sredstava svakog radnog dana u mjesecu i dobijeni zbir podijeli brojem radnih dana u tom mjesecu.

Mjesečni prosjek blagajničkih zapisa u skladu sa tačkom 1. stavom 2. ove odluke računa se za period od 11-og u mjesecu do 10-og u narednom mjesecu i izračunava tako što se sabere dnevna stanja blagajničkih zapisa svakog radnog dana u tom periodu i dobijeni zbir podijeli brojem radnih dana u tom periodu.

Izuzetno, pod dnevnim stanjem se podrazumijeva i stanje po raspoloživim, dostavljenim izvodima za period iz st. 1. i 2. ove tačke.

Radnim danom, u skladu sa ovom odlukom, ne smatra se subota.

4. Banke su dužne da Narodnoj banci podnesu obračun o minimalnoj likvidnosti u novčanim sredstvima najkasnije do 5-og radnog dana u mjesecu za prethodni mjesec, a obračun o minimalnoj likvidnosti u blagajničkim zapisima - najkasnije do 13-og u mjesecu za prethodni obračunski period, na obrascima koje propiše Narodna banka.

5. Narodna banka će u obrascu iz tačke 4. ove odluke predvidjeti i obavezu izračunavanja stope primarne likvidnosti banke na osnovu podataka o prosječnom stanju sredstava na žiro računu i u blagajni i podataka o dinarskim kratkoročnim izvorima sredstava.

6. Ova odluka stupa na snagu danom objavljivanja u "Službenom listu RBiH".

G broj 39/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu člana 4. Zakona o bankama ("Službeni list RBiH", br. 10/94 i 13/94) i čl. 20, 24. i 82. stav 1. pod a)/19. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O VISINI, ROKOVIMA KORIŠTENJA I VRAĆANJA I DRUGIM USLOVIMA DAVANJA KREDITA BANKAMA I DRUGIM DEPOZITNIM ORGANIZACIJAMA ZA ODRŽAVANJE NJIHOVE DNEVNE LIKVIDNOSTI

1. Narodna banka Bosne i Hercegovine (u daljem tekstu: Narodna banka) daje bankama i drugim depozitnim organizacijama (u daljem tekstu: banke) kratkoročne kredite za održavanje njihove dnevne likvidnosti (u daljem tekstu: kredit za likvidnost) u visini, rokovima korištenja i vraćanja i drugim uslovima koji su utvrđeni ovom odlukom.

2. Kredit za likvidnost Narodna banka daje na osnovu slijedećih vrijednosnih papira kojima banke raspolaze:

1) blagajnički zapisi Narodne banke i to:

- blagajnički zapisi koje su banke obavezne da upišu na osnovu propisa o načinu održavanja minimalne likvidnosti, do iznosa 50% nominalne vrijednosti tih zapisa;

- ostalih blagajničkih zapisa, do iznosa 100% nominalne vrijednosti tih zapisa;

2) obveznica i blagajničkih zapisa koje je izdala Republika Bosna i Hercegovina, do iznosa 50% nominalne vrijednosti.

3. Kredit za likvidnost banka može koristiti pod uslovom da u proteklih 60 dana nije imala dospjelih neizmirenih obaveza po kreditu za likvidnost.

4. U dane korištenja kredita za likvidnost, u smislu ove odluke, banka ne može davati kredite ni druge plasmane, niti kupovati devize od Narodne banke i na deviznom tržištu, izuzev kupovine deviza u ime i za račun Narodne banke.

5. Kredit za likvidnost, u smislu ove odluke banka može koristiti neprekidno ili sa prekidima do ukupno 10 radnih dana u mjesecu, bez obzira na iznos korištenog kredita. Danom početka korištenja kredita smatra se dan kad su banci prenesena sredstva na njen žiro račun, a dan kada banka vrati kredit ne računa se kao dan korištenja kredita. Ako banka vrati kredit istog dana kad su joj sredstva prenesena na njen žiro račun, smatrat će se da je kredit koristila u trajanju od jednog dana.

6. Radnim danom, u smislu ove odluke, ne smatra se subota.

7. Banke su dužne da na korištena sredstva kredita za likvidnost plate kamatu u skladu sa Odlukom o kamatnim stopama Narodne banke Bosne i Hercegovine.

8. Ova odluka stupa na snagu danom objavljivanja u "Službenom listu RBiH".

G broj 40/94
23. juli 1994. godine
Sarajevo

Guverner
Narodne banke BiH,
Kasim Omićević, s. r.

Na osnovu čl. 16. i 82. stav 1. pod a)/8. Zakona o Narodnoj banci Bosne i Hercegovine ("Službeni list RBiH", br. 1/93 i 13/94), guverner Narodne banke Bosne i Hercegovine, donosi

ODLUKU

O KAMATNIM STOPAMA NARODNE BANKE BOSNE I HERCEGOVINE

1. Opšta eskontna stopa Narodne banke Bosne i Hercegovine (u daljem tekstu: Narodna banka) iznosi 40%.

Narodna banka naplaćuje kamatu na kredite i druga potraživanja po opštoj eskontnoj stopi ukoliko ovom odlukom nije drugačije propisano.

2. Narodna banka naplaćuje kamatu na određene kredite i druga potraživanja po kamatnim stopama, kako slijedi:

a) na kredite i druga potraživanja gdje nije ugovorena promjenljiva kamatna stopa, po ugovorenoj kamatnoj stopi,

b) na kredite korištene do dana stupanja na snagu ove odluke koji su odobreni iz sredstava depozita društveno-političkih zajednica, po kamatnoj stopi od 10%,

c) na kredite Republici Bosni i Hercegovini, po kamatnoj stopi od 10%.

Izuzetno od stava 1. ove podtačke, na kredite po osnovu definitivne prodaje deponovane devizne štednje građana, na iznos odobrene dinarske protuvrijednosti, po kamatnoj stopi od 1%.

3. Narodna banka plaća kamatu na deponovana sredstva kod Narodne banke, po kamatnim stopama, kako slijedi:

a) na obavezan upis blagajničkih zapisa sa rokom dospijeća petnaest dana, mjesec i tri mjeseca, po kamatnoj stopi od 8%, a sa rokom dospijeća od šest i dvanaest mjeseci, po kamatnoj stopi od 10%,

b) na dobrovoljan upis blagajničkih zapisa sa rokom dospijeća mjesec i tri mjeseca, po kamatnoj stopi od 10%, a sa rokom dospijeća šest i dvanaest mjeseci, po kamatnoj stopi od 12%,

c) na upisane blagajničke zapise do stupanja na snagu ove odluke, po kamatnoj stopi u skladu sa propisima koji su se primjenjivali do stupanja na snagu ove odluke,

d) na sredstva obavezne rezerve koja se izdvajaju na depozite po videnju i sa rokom dospijeća do tri mjeseca, po kamatnoj stopi od 20%,

e) na sredstva obavezne rezerve koja se izdvajaju na depozite sa rokom dospijeća od tri i više mjeseci i sredstva pribavljena izdavanjem vrijednosnih papira sa rokom dospijeća od tri i više mjeseci, po kamatnoj stopi od 20%.

4. Na kredite i druga potraživanja koja nisu vraćena u ugovorenom roku kao i nenamjenski i nepropisno korištene kredite, na manje obračunatu ili neblagovremeno izdvojenu obaveznu rezervu, na iznos sredstava korištenih iznad iznosa raspoloživog pokrića na žiro računima banaka i drugih depozitnih organizacija, na iznos korištenih sredstava obavezne rezerve za održavanje likvidnosti i na iznos razlike između propisane i ostvarene minimalne likvidnosti u novčanim sredstvima i u blagajničkim zapisima, na osnovu propisa o načinu održavanja minimalne likvidnosti i posebne rezerve likvidnosti, po kamatnoj stopi od 60%.

5. Na kredite i druga potraživanja Narodna banka će ugovarati promjenljive kamatne stope u skladu sa promjenama ove odluke.

6. Na kredite koje banke daju krajnjim korisnicima na osnovu određenih isprava za propisane namjene, banke, na refinansirani iznos tih kredita kod Narodne banke naplaćuju kamatu, po kamatnoj stopi koja ne može biti veća od kamatne stope Narodne banke uvećane do jednog procentnog poena.

7. Kamatne stope propisane ovom odlukom, naplaćuju se na mjesečnom nivou.

Narodna banka će kamate iz tač. 1. i 2. ove odluke obračunati do 15-og u mjesecu za protekli mjesec, a banke su dužne obračunatu kamatu platiti do 20-og u mjesecu za protekli mjesec.

Narodna banka će kamate iz tačke 3. ove odluke obračunati do 15-og u mjesecu za protekli mjesec i platiti obračunatu kamatu do 20-og u mjesecu za protekli mjesec.

Izuzetno, rokovi iz st. 2. i 3. ove tačke teku od dobivanja izvoda o stanju računa za posljednji dan proteklog mjeseca.

8. Danom stupanja na snagu ove odluke prestaje da važi Odluka o kamatnim stopama i stopama naknade Narodne banke Bosne i Hercegovine ("Službeni list RBiH", broj 22/92 - Prečišćeni tekst, br. 7/93, 12/93, 14/93 i 18/93).

9. Ova odluka stupa na snagu danom objavljivanja u "Službenom listu RBiH".

G broj 41/94

23. juli 1994. godine
Sarajevo

Guverner
Narodne banke BiH,
Kasim Omičević, s. r.

Služba društvenog knjigovodstva Bosne i Hercegovine

Na osnovu tačke 2. podtačke 4) stav 2) Uputstva o načinu utvrđivanja osnovice za obračun poreza na dohodak, plaćanja poreza na dohodak i načinu oslobađanja i olakšica poreza na dohodak ("Službeni list SRBiH", br. 19/88, 21/88 i 27/89) Služba društvenog knjigovodstva Bosne i Hercegovine daje sljedeće

SAOPŠTENJE

Bruto lični dohodak po zaposlenom radniku u privredi Republike Bosne i Hercegovine za 1993. godinu iznosi 94 BH dinara.

Broj 03-059-356/94

29. juli 1994. godine
Sarajevo

Generalni direktor
Safet Proho, s. r.

SLUŽBENE OBJAVE

PROGLAŠENJE UMRLIM

Osnovni sud II u Sarajevu i to sudija Šabanović Aida u vanparničnom predmetu predlagateljice Vatrić Zineta iz Sarajeva Trg Rade Končara 4/7, radi dokazivanja smrti Vatrić Zulfe iz Trnova, zastupanog po posebnom staratelju Tahirović Zulfi iz Sarajeva Dajanli-Osmanbega br. 10/5, na osnovu čl. 62. i 65. Zakona o vanparničnom postupku RBiH idaje sljedeći

OGLAS

VATRIĆ ZULFO sin Vejsila i Fate rođene Kuldija rođen 5. 7. 1927. godine u selu Bogatići - Trnovo sa posebnim prebivalištem u Trnovu, Jahorinskog partizanskog odreda br. 186 navodno je preminuo u logoru Kula dana 18. 7. 1992. godine, nakon čega je sahranjen na groblju Vranješ kraj Lukavice 19. 7. 1992. godine.

Poziva se Vatrić Zulfo kao i svako drugo lice koje bilo šta zna o životu ili smrti Vatrić Zulfe da se u roku od 30 dana od objavljivanja ovog oglasa javi Osnovnom sudu II u Sarajevu ul. Senoina br. 1 soba broj 21.

Po isteku roka od 30 dana sud će donijeti rješenje po prijedlogu za dokazivanje smrti. (so-198/94)

Bešlija Sabaha, rod. Muharemović, kćerka Salke, rod. 16. 7. 1929. u Sarajevu, domaćica, udata, sa posljednjim prebivalištem u Vogošći ul. Omladinska 11, umrla od posljedica moždanog udara 7. 2. 1994. godine u Vogošći.

Roziva se svako lice koje bilo šta zna o smrti Bešlija Sabaha, da u roku od 30 dana od dana objavljivanja oglasa u "Službenom listu RBiH" javi Osnovnom sudu I Sarajevo.

Po proteku roka od 30 dana sud će donijeti odluku po prijedlogu za dokazivanje smrti. (so-200/94)

Dulaga Bešlija, sin Bajre, rod. 10. 1. 1930. godine u Vogošći, radnik, oženjen, sa posljednjim prebivalištem u Vogošći ul. Omladinska 11, poginuo u živom štitu 13. 9. 1993. godine.

Poziva se svako lice koje bilo šta zna o smrti Dulage Bešlije, da u roku od 30 dana od dana objavljivanja oglasa u "Službenom listu RBiH" javi Osnovnom sudu I u Sarajevu.

Po proteku roka od 30 dana sud će donijeti odluku po prijedlogu za dokazivanje smrti. (so-201/94)

Osnovni sud II u Sarajevu i to sudija Šabanović Aida u vanparničnom predmetu predlagateljice Popović Sanje koju zastupa advokat Mesihović Džemil, advokat iz Sarajeva, radi dokazivanja smrti Popović Predraga iz Sarajeva ul. Adema Buće broj 252, na osnovu člana 65. Zakona o vanparničnom postupku RBiH, izdaje

OGLAS

POPOVIĆ PREDRAG, sin Miloša, rođen 17. 7. 1940. godine u selu Botajnica SO Modriča, navodno je preminuo dana 18. 5. 1992. g. usljed detonacije granate.

Poziva se Popović Predrag kao i svako drugo lice koje zna bilo šta o njegovom životu ili smrti da se u roku od 30 dana od objavljivanja ovog oglasa javi Osnovnom sudu II u Sarajevu ul. Senoina br. 1, soba broj 21.

Po isteku roka od 30 dana sud će donijeti rješenje o prijedlogu za dokazivanje smrti. (so-202/94)

Osnovni sud I Sarajevo poziva KRŠO SALIHA sin Hašima i majke Džule rođene Vegara, rođen 15. 01. 1920. u Ulogu da se javi ovom sudu u roku od 30 dana od dana objavljivanja oglasa.

U isto vrijeme poziva se svaka osoba koja ma šta zna o životu ili smrti nestalog Kršo Salih sin Hašima koji je nestao 20. 08. 1945. u Kalinoviku da se javi ovom sudu u istom roku. Nestali Kršo Salih sin Hašima odveden je od strane četnika u nepoznatom pravcu i do danas se ništa ne zna o njegovom životu ili smrti.

Po isteku roka oglašavanja nestali Kršo Salih sin Hašima bit će proglašen umrlim. (so-203/94)

PUTNE ISPRAVE

Ministarstvo unutrašnjih poslova objavljuje nevažećim sljedeće putne isprave:

- pasoš broj: BH-045242 izdat 30. 03. 1993. godine, u SJB Lukavac, na ime KURAMOVIC EKREM (putna isprava proglašena nevažećom rješenjem broj: 20-PU-1/7-44/94 od 29. 06. 1994. godine),

- pasoš broj: BH-044708 izdat 29. 04. 1993. godine u SJB Banovići, na ime MARKOVIC JOZO (putna isprava proglašena nevažećom rješenjem SJB Banovići, broj: 20-PU-NI/2-07-27-6/94 od 05. 07. 1994. godine),

- pasoš broj: BH-193982 izdat 17. 06. 1993. godine u G. K. RBiH u Minhenu na ime CURIC ERMIN (rješenjem G. K. RBiH u Minhenu, broj: 2422/94 od 30. 06. 1994. godine),

- pasoš broj: BH-138270 izdat 10. 09. 1993. godine u G. K. RBiH u Minhenu, na ime RAJIC MARKO (putna isprava proglašena nevažećom rješenjem G. K. RBiH u Minhenu, broj: 2422/94 od 30. 06. 1994. godine),

- pasoš broj: BH-454885 izdat 09. 12. 1993. godine u GK RBiH u Minhenu, na ime VELIMIROVIC ALEKSANDRA (putna isprava proglašena nevažećom rješenjem G. K. RBiH u Minhenu, broj: 2422/94 od 30. 06. 1994. godine),

- pasoš broj: BH-192788 izdat 28. 06. 1993. godine u G. K. RBiH u Minhenu, na ime KADRIC SUVAD (putna isprava proglašena nevažećom rješenjem G. K. RBiH u Minhenu, broj: 2422/94 od 30. 06. 1994. godine),

- pasoš broj: BH-475182 izdat 03. 11. 1993. godine u Ambasadi RBiH u Ljubljani, na ime VEJZOVIC MAHIRA (putna isprava proglašena nevažećom rješenjem G. K. RBiH u Minhenu, broj: 1385/94 od 26. 04. 1994. godine).

(so-205/94)

LIČNE ISPRAVE

SARAJEVO

Šljivo Džemal, vojna knjižica broj 3466598 SNO opštine Novi grad Sarajevo (so-210/94)

TUZLA

Kalajdžić Rudolf, diploma Tehnološkog fakulteta u Tuzli br. 154/67 od 8. 6. 1968. god. (so-199/94)

PEČATI

Proglašava se nevažećim pečat okruglog oblika, promjera 4,5 mm sljedećeg sadržaja: Međunarodno udruženje studenata Ekonomije i menadžmenta (AIESEC). (so-206/94)

REGISTRACIJE

I. Upisuje se u Registar predstavništava stranih lica u Republici Bosni i Hercegovini, pod brojem RPSL-5, Predstavništvo "FERIMPORT" d. d. Zagreb, sa sljedećim podacima:

1. Predstavništvo "FERIMPORT" d. d. Zagreb, sa sjedištem u Sarajevu, Pionirska 2e.

2. Djelatnost predstavništva je: istraživanje tržišta i obavljanje svih pripremnih i predugovornih radnji na teritoriji Republike Bosne i Hercegovine usmjerenih na zaključivanje ugovora o izvozu bosanskohercegovačkih roba i usluga, kao i uvozu kojim se unapređuje i razvija proizvodnja i ugovora o dugoročnoj proizvodnoj kooperaciji, poslovno-tehničkoj saradnji i stranim ulaganjima u Republici Bosni i Hercegovini.

3. U predstavništvu je zaposleno 5 (pet) lica.

4. Lice ovlašteno za potpisivanje u ime Predstavništva je Šehović Edhem, direktor Predstavništva.

II. Danom donošenja ovog rješenja Predstavništvo može početi sa radom. (so-209/94)

SADRŽAJ

330	Uredba sa zakonskom snagom o izmjeni Uredbe sa zakonskom snagom o računovodstvu za vrijeme ratnog stanja ili u slučaju neposredne ratne opasnosti	336	Odluka o drugim poslovima koji se smatraju bankarskim poslovima	344
331	Odluka o ciljevima i zadacima devizne politike i projekciji platnog bilansa u 1994. godini	336	Odluka o uslovima, načinu, postupku i rokovima za izdavanje dozvole za statusnu promjenu banaka i drugih depozitnih organizacija	344
332	Odluka o ciljevima i zadacima monetarno-kreditne politike u 1994. godini	337	Odluka o bližim uslovima i kriterijima za izdavanje dozvole za osnivanje tržišta novca	344
333	Odluka o razrješenju i izboru sudija redovnih sudova	338	Odluka o uskladjivanju poslovanja banke i druge depozitne organizacije sa odredbama Zakona o bankama	344
334	Odluka o razrješenju i imenovanju javnih tužilaca i zamjenika javnih tužilaca	339	Odluka o uslovima za osnivanje i poslovanje druge depozitne organizacije	345
335	Odluka o izboru sudije Ustavnog suda Bosne i Hercegovine	339	Odluka o načinu obavljanja mjenjačkih poslova	345
336	Odluka o izboru sudija Okružnog vojnog suda u Sarajevu	339	Odluka o uslovima pod kojima se obavlja iznošenje efektivnog stranog novca, vrijednosnih papira i vrijednosnica koje glase na strana sredstva plaćanja	346
337	Odluka o imenovanju zamjenika okružnog vojnog tužioca u Okružnom vojnom tužilaštvu u Sarajevu	339	Odluka o odobravanju sredstava primarne emisije za kupovinu stranih sredstava plaćanja za devizne rezerve Republike	346
338	Odluka o postavljenju nerezidentnog ambasadora Republike Bosne i Hercegovine u Kraljevini Norveškoj	339	Odluka o izmjeni Odluke o obaveznoj rezervi banaka kod Narodne banke Bosne i Hercegovine	347
339	Odluka o razrješenju i izboru članova Ratnog predsjedništva Skupštine opštine Bosanski Petrovac	340	Odluka o sadržaju Odluke o izdavanju blagajničkih zapisa	347
340	Odluka o imenovanju predstavnika Republike Bosne i Hercegovine za kontakte sa Međunarodnim sudom u Hagu	340	Odluka o izdavanju blagajničkih zapisa Narodne banke Bosne i Hercegovine	348
341	Odluka o razrješenju sudije Višeg suda za prekršaje u Sarajevu	340	Odluka o načinu održavanja minimalne likvidnosti banaka	348
342	Odluka o aboliciji i pomilovanju po službenoj dužnosti	340	Odluka o visini, rokovima korištenja i vraćanja i drugim uslovima davanja kredita bankama i drugim depozitnim organizacijama za održavanje njihove dnevne likvidnosti	349
343	Odluka o zaštitnim cijenama poljoprivrednih proizvoda roda 1994. godine	341	Odluka o kamatnim stopama Narodne banke Bosne i Hercegovine	349
344	Rješenje o razrješenju i imenovanju predsjednika Nadzornog odbora Zemaljskog muzeja Bosne i Hercegovine	341	SLUŽBA DRUŠTVENOG KNJIGOVODSTVA BOSNE I HERCEGOVINE	
345	Naredba o uplatnim računima deviznih prihoda republičkog budžeta, načinu uplaćivanja tih prihoda i izvještavanja Ministarstva financija - Ministarstva finansija	341	Saopštenje o bruto ličnom dohotku po zaposlenom radniku u privredi Republike Bosne i Hercegovine za 1993. godinu	350
	Ispravka Zakona o izmjenama i dopunama Zakona o Radio-televiziji Bosne i Hercegovine	342		
	NARODNA BANKA BOSNE I HERCEGOVINE			
	Odluka o načinu objavljivanja platnog prometa sa inostranstvom	342		
	Odluka o uslovima pod kojima domaća pravna lica mogu vršiti prebijanje dugovanja i potraživanja sa inostranstvom	343		